

國
朝
文
錄

歸琦亭文錄卷三

鄞縣全祖望紹衣著

後學上高李祖陶欽

新昌漆象曾念

○。○。祁六公子墓碣銘

順治二年江南內附。貝勒遣將東渡。駐營蕭然山下。遣使以貂裘聘遺老凡六人。其一爲故大學士膠州高文忠公。時方寓山陰也。其一爲故左都御史劉忠正公。其一爲故右僉都御史巡撫蘇松祁忠敏公。皆死節。其一爲故大理寺丞章公。求死不得。乃起兵尋行。遞去而二人者竟降。亦卒不得用於是。別稱爲四忠。祁六公子

者諱斑孫字奕喜小字季郎忠敏第二子也其兄曰理孫字奕慶
以大功兄弟次其行故世皆呼曰祁五祁六兩公子初忠敏夫人
商氏嘗夢老衲入室生公子美姿容白如瓊而雙足重趼頗惡劣
日堪行數百里又時時喜踟躕娶朱氏故少師滇黔制府忠定公
燮元女孫都督後府都事兆宣女也忠敏死未二旬東江起兵恩
卹諸忠而忠敏贈兵部尚書理孫賜任祁氏羣從之長曰鵬孫者
故嘗與忠敏同講學於戢山至是將兵江上思以申忠敏之志而
公子兄弟罄家餉之事去公子之婦翁戒之曰勿更從事於焦原
矣不聽祁氏自夷度先生以來藏書甲於大江以南其諸子尤豪

○此處應、兄、弟、次、寫、又、獨、表、之、曰、公、子、說、情、既、君、傳、及、重、耳、出、亡、傳、
○得、米、○

○接、○為、○書、○

喜結客講求食經。四方簪履望以爲膏粱之極選。不脛而集。及公子兄弟自任以故國之喬木。而屠沽市販之流亦兼收並蓄。家居山陰之梅墅。其園亭在寓山。柳車踵至。登其堂。覆壁大隧。莫能詰也。慈谿布衣魏耕者。狂走四方。思得一當以爲毫社之桑榆。公子兄弟則與之誓天稱莫逆。魏耕之談兵也。有奇癖。非酒不甘。非妓不飲。禮法之士莫許也。公子兄弟獨以忠義故。曲奉之時。其至則寫得精神矣。非公子不疏。盛陳越酒。呼若耶谿娃以薦之。又發潛生堂壬遁劍術之書以示之。又遍約同里諸遺民如朱士稚。張宗道輩。以疏附之。壬寅或告變於浙之幕府。刊章四道捕魏耕。有首者曰。茗上乃其婦家。而山

陰之梅墅。乃其死友所嘯聚。大帥卽發兵。果得之。縛公子兄弟去。
既讞。兄弟爭承。邢氏之客謀曰。二人并命。不更慘歟。乃納賂而宥。
其兄公子遣戍遼左。其後理孫竟以痛弟鬱鬱而死。而邢氏爲之。
衰破。然君子則曰。是固忠敏之子也。當是時。禁網尙疏。寧古塔將。
軍得賂。則弛約束。丁巳。公子脫身。遯歸已而里社中漸物色之。乃。
祝髮於吳之堯峯。尋主毗陵馬鞍山寺。所稱咒林明大師者也。薦。
紳先生皆相傳曰。是何浮屠。但喜議論古今。不談佛法。每及先朝。
則掩面哭。然終莫有知之者。嘗偶於曲盤座上。摩其足而嘆曰。使。
我因此閭者。汝也。癸丑十月十一日。忽沐浴。曳杖繞堂曰。我將西。

歸人暮踟躕垂眉久之既又張目久之始卒發其篋所著有東行風俗記紫芝軒集且得其遺教欲歸柩乃知爲山陰邢公子自關外來者於是得歸葬公子性終好奇其東歸也畱一妾焉及披緇時亦累東游東人或與之談禪受其法稱弟子嘗曰寧古塔磨姑足稱天下第一吾妾所居籬下出者又爲寧古塔第一令人思之不置東人至今誦其風流孺人朱氏者工詩其來歸也與君姑商夫人姒張氏小姑湘君時相唱和商夫人字冢婦曰楚纓字介婦曰趙璧以志閨門之盛公子被難孺人尙盛年朱氏哀其孑獨以姪從之遂撫爲女孤燈緇帳歷數十年未嘗一出廳屏也其所撫

傳稱人頭可敬

之女後歸杭之趙氏是爲吾友谷林徵士之母谷林兄弟聚書之
精其淵源頗得之外家谷林之子一清每爲余言公子大節有光
於忠敏矣而駱丞行遜之踪世多未諭請爲文以表之聊據所聞
志之使勒之墓前嗚呼自公子兄弟死淡生堂書星散豈特梅塋
一門之哀抑亦江東文獻大厄運也其銘曰
嗚呼是爲鄧林之石不磨不泐杜鵑過之有味焉食我歌大招旌
茲幽宅

公子行徑老衲結習忠臣血嗣俠士曾襟一一俱寫得出

○鄭芷畦窆石志

予少得見芷畦于萬編修九沙座上。其後見毛西河集中盛稱芷

附：經○博物通身錄索

畦之治經。又見朱竹垞所爲石柱記序。兼知其博物益思見之。而
芷畦以貧故游幕府。家居之日少。其後病風而歸。不復出門。而予
奔走南北。卒不得遂請益之志。未幾而芷畦死矣。予從其族孫振
銓求其遺書。知其子先亡。寡婦弱孫甚可念。踰三年始得其禮記
緝注。蓋以續衛正叔之作也。四禮參同則集楊信齋之緒者也。湖
錄則茗中文獻之職志也。因嘆芷畦之學如此。而一生連蹇寄鼻
息于高牙大纛之間。與所謂刑名錢穀之輩。旅進旅退。餬口代耕。

視當時槐棘間人物僅僅以數首制舉文字弋獲科名高坐危言晏然自以爲千佛名經中尊宿可爲勸爰偶嘗與臨川李侍郎言而嘆之侍郎曰是也吾于前二十年曾識其人知其所學而惜其不再入京也及詔求大科之士侍郎輒嘆曰如鄭君之博物真其選也而不幸死未幾又詔開禮局侍郎又嘆曰如鄭君之治經真其選也而不幸死但予聞前此中州張清恪公亦雅重芷畦欲薦之而未得則又嘆士生天地之間求一二知己非易事而所謂知己者未必皆有援引之力卽有其力又未必值其時旣值其時而其人或不及待斯其所以伏櫪鹽車長鳴于日暮途遠之際

而無可訴也。振銓因言其將葬，乞予爲其幽宮之志。予方欲謀之，有力者開雕君書而未能，卽以誌石之文爲墓疏焉。未知其克遂予志否也。芷畦生平著述，尙有行水金鑑爲河道傳，君所開雕盛行，顧罕如其出于芷畦也。并附載于志中。詩文集若干卷，藏于家。芷畦諱元慶，湖之歸安人。其銘曰：康成之選密漁仲之瑰奇，如此人才而刀筆罕稱，誰爲司命。嗚呼噫嘻。

單表其治經博物而不遇時，其餘一切皆畧。嫌當以慨淵淵皆金石聲，芷畦得此表章，可以無憾。

車都尉會稽姚公神道第二碑銘

康熙二十二年六月閩督姚公用密計授水師提督施琅下臺灣

詔封煥爲靖海侯而公自陳無功故賞亦不及是年

十有一月公疽發背薨歸葬於越嗚呼蔦子馮爲楚畫平舒之策

起手援古以例爲嫌○

及其身後屈建成之而曰是先大夫蔣子之功也歸封邑於其子

羊叔子盡平吳之策於晉及其身後杜預王濬成之而武帝曰是

羊太傅之功也告之於其廟古人旂常之公論如此其覈也唐裴

晉公之平淮則李諒公不免有慙德矣然諒公之有憾於碑非敢

以、拚、吾、公、也、特、欲、軒、之、顏、允、古、通、之、上、耳、且、所、爭、亦、不、過、在、文、字、而、酌、庸、之、典、則、自、晉、公、而、下、顏、允、古、通、固、無、不、及、也、今、公、以、航、海、數、千、里、之、提、封、濱、海、數、百、城、之、巨、忠、三、世、不、賓、之、餘、孽、累、年、籌、運、一、旦、而、廓、清、之、又、並、非、薦、羊、二、公、不、及、其、身、者、之、比、而、彤、弓、信、圭、移、之、別、將、溘、然、長、逝、并、不、蒙、秬、鬯、黃、腸、之、澤、雖、在、勞、臣、報、國、豈、敢、有、言、而、彼、偃、然、開、五、等、之、封、者、吾、不、知、其、何、以、自、安、矣、此段敘臺、灣、自、生、皇、清、甲、辰、歷民、以、來、不、通、上、國、前、明、崇、禎、時、鄭、芝、龍、爲、海、盜、嘗、屯、聚、焉、芝、龍、旣、受、招、撫、之、命、而、棄、之、丙、戌、芝、龍、降、於、世、祖、其、子、成、功、不、從、聚、其、故、部、據、有、厦、門、金、門、二、島、以、侵、軼、我、中、

土已亥大舉窺江寧敗去始取臺灣定爲老巢而往來二島間爲
窺覷計壬寅成功沒其諸將如施琅黃梧等先已降於我至是以
兵平二島其子經遁入臺灣兵不及萬船不滿百勢稍衰康熙十
有二年三藩難作靖南王耿精忠反於福建次年始乞師於鄭氏
臺人大喜亟渡海而西閩中故皆鄭氏舊恩精忠之海澄總兵趙
得勝首約同官劉國軒等皆附於經精忠始懼厯遣人說精忠借
漳泉二府以治兵精忠難之經怒遽取泉州南取廣之潮州次年
又取漳州精忠大懼吳三桂累爲精忠請令畫楓亭之界守之然
不獲成次年三桂令尚之信制惠州賂經重申盟然經兵不旋踵

此段敘說降耿○精忠

取汀州鄭氏復大振其時和碩康親王討精忠自浙江入而公以
前知香山縣罷官向與王有舊乃令其長子儀募兵帥之赴王請
自効王喜即令公以知諸暨縣從征進擊紫狼山賊破之又擊楓
橋賊破之甌人之謀應精忠者俱殪王即軍中遷公溫處分巡道
僉事駐吹臺益募兵自爲一軍進破石塘奪楊梅江精忠之驍將
曾養性至溫州公使儀逆擊大破之精忠方震於鄭氏汀州之逼
而大兵已奪仙霞關而入公爲前鋒乃遣人說之曰鄭氏害日深
而延建又失蹊前後其誰與守何不束身歸於
天子以求生而反貽鄭禽乎精忠狐疑公單騎至其營說之精忠

享公其賓客皆列侍。公飲啖醉飽。指畫仇爽。享罷。長揖徑出。曰。王
自裁之精忠。曰。是殆李抱眞之流。定不欺我。遂降。論功。卽以公爲
福建布政司。仍從征進。勦鄭氏精忠之降也。其諸將多畏罪歸經。
經遂乘虛盡取興化邵武。而吳三桂曉將韓大任者。世所稱小淮
陰也。爲三桂度嶺。取吉安。被圍久。援兵不接。突圍由贛入汀。將與
經合。公曰。是雄兒也。不可棄。以資賊復。單騎至其營。說降之。簡其
兵得死士三千。厚養之。卽以爲親軍。汀州平。自大任降。而公之威
名益盛。十有六年。隨親王收邵武。復收興化。尋盡收漳泉之地。經
遁入廈門。公復挾大任以臨潮。說其守將劉進忠亦降。鄭氏棄惠。

州而去七府既定。或謂南荒其久矣。公曰：二島未平，莫高枕而臥也。明年鄭氏果復出，二月連下玉洲、三汊、河福、河下、許諸堡，取石馬入鎮門。又陷灣腰樹馬洲、丹洲、壁鑪諸堡。其驍將曰劉國軒、吳淑何祐而國軒尤競。於是總督卽廷相，嗣海澄公黃芳世副都統胡克合軍漳州以攻之。檄會寧海將軍喇哈達、都督伯穆黑林之軍於福州，平南將軍賴塔之軍於潮州，提督段應舉之軍於泉州。畢至，公以所部敗臺人於壁鑪。俄而黃芳世、穆黑林遇之灣腰樹而敗。胡克邀之鎮北山麓，又敗。公子儀自汊河援之，亦敗。段應舉戰於祖山，大敗，奔入海澄。國軒取平和，還圍海澄，斷塹環樁，飛鳥

莫能度。沿海無賴輩從之如雲。於是

天子震怒。將逮督臣。諭王求其代者。王及將軍以下合辭薦公。六

月乃即軍中。不次拜公兵部右侍郎兼都察院右副都御史總督

福建。且令節制諸軍。急援海澄。而以按察司使吳公興祚爲巡撫。

△此△下△才△正△滿△姚△公△李△第△克△親△經△界

助公。公馳督諸軍至葛布山。謀解圍。而海澄食盡已陷。應舉投繯

死。總兵黃藍巷戰死。之官兵失陷三萬餘馬。萬餘國軒下漳平。

長泰同安。旁略取南安惠安。安谿永春德化諸邑。七月圍泉州號。

稱十萬。實六萬。公分兵救泉。亟令諸將扼險要。廣儲峙。并繕治諸

城堡而密陳於。天子曰。賊之所以猗窳而無前者。蓋聞人爲。

之用也。國人自成功以來，積爲所脅，故其餘孽之來，靡然從之。閩人絀而臺人張矣。今必有以壯閩人之勢，當先有以固閩人之心。而後賊可退。又必出奇計，使臺人反爲吾用，而後賊可亡。是固非但爭衡一勝一負之間者也。

天子是之。降璽書褒勞，盡委以軍事。且謂閩部諸公曰：閩督今得人賊且平矣。公乃大布方略，令平南將軍以下分道出，綴之輕兵，抄其餉道，乘閒復平和漳平。而總兵林賢等敗其水軍於定海。九月，國軒乃解泉州之圍，并力攻漳州。大會二十八鎮兵爲十九寨，列烽相望。國軒以十七鎮精兵三萬軍於西吳，淑何祐以十一鎮

精兵二萬軍於南。請與大軍決戰於龍虎蜈蚣二山之閒。公五
檄泉州兵未至。而城中惟平南將軍兵及耿精忠歸正兵。漳人憂
懼。公曰。賊恃勝而驕。謂我兵弱。不敢出。若出不意奮擊之。必敗。敗
則不復能軍。平海在此役矣。每日舂容飲博自如。而胡都統以騎
至合之。亦僅八千人。公卽以胡爲前軍。自以所部繼之。分賴耿之
兵爲後二軍。前軍接戰不利。中軍繼之亦不利。耿兵繼之稍勝。賴
兵復出國。軒不支。前軍中軍還而攻之。連破十六營。斬其將鄭英
劉正璽吳潛等。生擒一千二百餘人。斬首四千級。溺死者萬數。國
軒洄水而遁。奔海澄。官軍乘勝復長泰同安。是冬公遣客中書舍

人張雄入厦門撫經不從十有八年公念海澄負險與厦門金門
海壇相首尾不可猝下乃請復設水師提督而大開修來館於漳
州不愛官爵資財玩好凡言自鄭氏來者皆延致之使以華轂鮮
衣炫於漳泉之郊供帳恣其所求漳泉之人爭相喧述公時掀髯
笑曰昔人捐金施閭雖信陵君之親而才廉頗李牧之武亞夫龍
且鍾離昧周殷之骨鯁可坐而盡也况豎子之游魂乎於是不終
歲其五鎮大將廖瑄黃靖賴祖金福廖興以所部降鄭奇烈陳士
愷等繼之林翰許毅等皆被用鄭氏始上下相猜阻而簡練諸降
將之卒充水師驟益二萬餘人乃令巡撫吳公與水師提督萬正

色攻二島。明年正月，官兵逼海壇。鄭氏戈船將朱天貴，故愛公約首以所部五樓船三百卒降，遂復海壇。公待天貴厚，以爲親將。竟用其兵，盡破十九寨。國軒茫然失勢，棄海澄入廈門。正色進兵逼之。國軒棄廈門金門，奉經入臺灣。其時成功之妻董氏尚在堂。數經曰：汝父之業衰矣。汝輩不才子。吾聞姚公，天人也。其更無往閩。○上○文

土旣平，吏兵二部列土公功，應加者四百餘級。

天子晉公太子少保、兵部尚書兼都察院右都御史。世襲輕車都尉。公子儀都督僉事、總兵。世襲騎都尉。初，閩人當成功之世，內輸官賦外，又竊應成功之餉，以求免劫掠。奸民乘之日以生事而民

之供億亦困甚於是遷界之議起定沿海之界而遷之域內出界者死成功難以餉不接不復能跳梁而被遷之民流離蕩析又盤失海上魚蜃之利而閩益貧及耿精忠至封山圍地莫敢裁量日益耗已而鄭耿之亂交作殺掠所至不知誰兵閩中駐一王一員子一公一伯將軍都統以下各開幕府所將皆禁旅無所得居則以民室居之無所得器械卽以屋中之器械供之無所得役卽以屋中之民役之朋淫其妻女繫其老幼加以饑饉而民之存者寡矣公自入閩蒿目傷心謀所以振做民者無所不用其極及鄭氏奔入海澄公言於王曰今陸地已無賊材官蹶張必不能秣馬而

欽此爲做○兵張本

先請做兵

驅之波浪之間。則所重在舟楫。不在羈勒鞅絆也。而軍需乏匱。禁旅且養馬三萬一馬。日費穀斗有六升。計一馬可支十人之食。是撤馬一食。足養水師三十萬人。非但爲民實爲國也。且禁旅久暴露矣。胡不奏愼告閑乎。王曰。極知公言是然。今耿精忠在軍。居然靖南王也。苟精忠不肯還京。其奈之何。故公連上三疏。朝臣莫敢定。及廈門平。請益力。且令客婉說精忠。令入朝。天子乃允。公詔王班師。但留吳喇二將以善後。旣而盡撤之。而禁旅將驅男婦二萬餘人去。公流涕力請於王。令軍中敢有私攜良民者殺無赦。而公則贖之以金。臨發盡取以還民。禁旅得金亦各

○次○海○關○界○

欣然而歸於是始請開界公言南海一帶俱有阨塞城寨可以列
戍俱有田可耕而魚鹽蠃蛤之利尤大若分屯設衛令之開墾得
與鮫人蠶戶參錯而居所以安內而攘外也由福清而南臣已相
度經營了然可惜將開商市給牛種為國家恤流亡而收甌脫自
然之利保無患焉

○再○加○建○東○先○奏○所○必○有○以○固○閩○人○之○心○也○

○四○字○機○下○

天子遣一侍郎勘視亦弗敢主也公連章
任之乃報可自撤兵而閩人出湯火之阨更開界而閩人得耕漁
衣食之資相與狂號喜躍曰姚公活我公乃大造八漿船艚船雙
篷船并請招紅夷夾板船以圖臺灣初鄭經有嬖人施亥者公密
招之令禽經以自歸亥諾公而事洩會經死其子克塽少公又結

其行人傳爲霖。將用我故臣續順公沈瑞以覆鄭氏事。洩瑞等死。公又購死士入臺。令縛國軒者。再雖皆不克。然鄭氏益以此崩。劍不知所爲方施。煨之叛成功而歸附也。

至此才發施煨

世祖卽以爲水師提督。駐海澄。成功沒煨。以平臺自任。出兵不克。頗疑其貳。召入京。不復用。而水師亦罷。公之以布政使奏軍事也。卽薦用煨。不報。及爲總督。乃以萬正色任之。至是請改正色爲陸路。仍以水師用煨。且曰。臣願以百口保煨必無他。天子始遣之。旣至。厚資給之。是時閩人皆知鄭氏亡在漏刻。公之人臺。特過師枕席之上耳。其必用煨者。特以爲成功故將。欲借之。

以爲先驅而不虞娘之輒思攘功也娘至卽密疏請以公駐廈門

故智

而已獨以師進時公已率師出海見娘疏不懌自陳請行詔召

公還廈門二十一年五月將由銅山出師下澎湖公主乘北風以

十月攻湖北娘主乘南風及時攻湖南公曰澎湖之南可泊舟者

惟娘媽宮耳使賊固守未能猝下我軍進退且失據若其北澳甚

多進退皆可依澎湖下而臺灣潰矣且盛夏多颶母尤宜擇地諸

大將吳英林承林賢等皆曰姚公言是娘諾之而頗不以爲然是

年不果出師次年六月乙亥娘竟以師行公又戒之如初娘竟南

行國軒果守娘媽宮不可入丁丑颶風與潮俱發我軍前鋒皆爲

急流飄散。國軒以精兵二萬。自牛心灣出。其將林陞以精兵萬。自雞籠嶼出。夾攻我軍。集矢於娘之目。娘懼。時官兵泊八罩。其地甚惡。公遣使譙之曰。不用吾言。竟何如矣。雖然。勝敗兵家之常。風風亦當止。吾前所約諸賊將。必有至者。汝速赴之。娘得書。且慙且喜。而賊將呂韜等。聞使果至。娘復進澎湖水。亦驟長。癸未。朱天貴先進。大敗國軒軍。其眾爭降。天貴亦死。而國軒由吼門逸出。公遣東卒。以大艚運金。繒。貨。米。旁午來軍。且諭娘曰。凡降卒皆大賚。而遣之歸。以攜臺人之心。娘如言行之。七月甲午。國軒以鄭氏降。繳上成功所遺延平郡王。漳國公。招討大將軍。忠孝伯。御營都督等印。

信除道出迎。八月癸亥。大兵前歌後舞。悉入臺灣。於時北風正利。娘遣其子弟由海道自津門先告捷。而後上露布於公。而公之告捷也。使者由驛道行。及至。則後已二十餘日。

天子既得報疏。大喜。軒之在平滇諸勛之上。而惟公疏之久而至也。閩之仕京者。亦皆先入娘之說。莫有爲公言其故者。乃以首功封娘。將以次及公。公疏言此廟謨天定。微臣無力。

天子疑以爲有慙焉。未幾有名掌中樞之命。而公已不起。鄭氏之初起也。廈門有浮石。或視其文曰。生女滅雞。十億相倚。丁庚小熙。莫能解也。至是而乃知十億者兆也。兆倚女姚也。酉者雞也。成

之○賜○姓○也○蓋○歲○在○酉○天○定○之○矣○雖○然○公○之○勛○業○豫○徵○於○六○十○年○易○
代○之○先○而○不○見○白○於○平○成○之○日○公○之○才○足○使○海○外○之○窮○奇○負○貳○革○
面○洗○心○以○向○化○而○不○能○使○共○事○之○僚○不○負○恩○而○背○德○公○之○智○能○豫○
定○大○荒○風○信○軍○行○利○鈍○之○期○而○不○及○料○捷○奏○之○居○人○後○亦○何○莫○非○
天○阨○之○哉○姑○無○論○平○臺○之○謀○盡○出○於○公○平○臺○之○軍○器○軍○餉○軍○裝○盡○
出○於○公○而○煨○不○過○一○將○之○力○且○幾○以○方○命○違○制○致○誤○軍○機○卒○之○死○
戰○克○敵○者○皆○公○部○下○之○士○卽○令○竟○出○於○煨○而○亦○思○以○百○口○保○煨○者○
誰○乎○是○公○亦○宜○受○魏○無○知○之○賞○矣○則○甚○矣○煨○之○伎○也○雖○然○公○之○功○
閩○人○信○之○久○矣○雖○其○姻○親○族○姓○亦○有○不○直○煨○者○公○亦○何○憾○矣○哉○公○

諱啓聖字熙止晚字憂菴世爲浙之紹興府會稽縣人初娶何氏其後再娶俱沈氏享年六十公生而膂力過人廣頰長髯目有芒如洩電閃閃逼人嘗遊於松江守趙君署中午睡鼾聲甚厲僮僕窺之則雕虎也大驚性豪蕩其使金錢如泥沙甫冠以諸生遊通州竟得知州事旣至立杖土豪殺之尋棄官去歸而遊於蕭山之郊有二健卒佩刀驅二女行一老翁隨哭之則其父也公陽呼二卒與之語出不意奪其刀連斃二卒然所殺者乃北來兵跡捕急遂變姓名不得已籍於奉天鑲紅旗下康熙二年公疏請旗下開科試士

聖祖曰。可公以第一人薦。遂知香山縣。甫下車。澳門賊霍侶成拔
猖甚。督府不能制。公以計禽之。俄而逃去。公又以兵縛之。澳門始
平。論功。應得上賞。督府惡之。反以通海誣之。將置之死。公夜見平
南王。尙可喜。而訴之。可喜上疏言其枉。督撫皆以是自殺。而公亦
罷官。客粵中。且無以爲生。時公年五十。見者多歎其拓落。而公之
志浩然。軍事起。五年而建節。五年而成平海之殊勲。幕下士自上
客。元從健兒走卒。因之以取高官者。項背相望。亦盛矣哉。暨其薨。
蕭然無蓄。諸子賣田以葬。貧如故。初。何夫人絕有力。不止舉白而
已。公聞而奇之。因娶焉。是生長子儀。高七尺。雄偉魁岸。千夫辟易。

嘗驅駟馬駕奔車。自後掣之馬踴躍前却。不能自由。挽弓四鈞。百步之外。洞數札。畜壯士張黑子鍾寶王三癡等十人。嘗致左右。令募兵而教之。酒酣出鬪。無不一當百。閩人望見先鋒。日是姚公子之旗也。以從征。授知縣。未上。再晉秩。累官尚書刑部郎。改知河南開封府。詔以京堂用。儀以少長軍閫。請効力從戎。許之。不次授江南狼山總兵官。尋改湖廣辰沅總兵官。終於雲南鶴慶總兵官。平臺之役。儀已去閩。論者謂其與煥同行。必有所以制之。而惜公之計不出此也。公之歸葬於越。禮文一切未具。更二十餘年。而蕭山毛檢討奇齡始銘其埏道之石。然嗛嗛有未盡者。及考之北平。

王孝廉源之傳稍詳矣。然於事多舛焉。夫光烈如公。國史所取徵也。若之何不備。乃因其孫述祖之請。更爲文一通貽之。異日

嗣天子討論先世勛臣以光典禮。必有以公之事上聞者。予文或可采也。其銘曰。

有○嬌○之○後○河○嶽○降○精○其○噓○爲○風○其○唾○爲○霆○東○溟○小○興○化○爲○長○鯨○藉○口○故○國○以○希○橫○行○濤○狂○霧○毒○祝○融○厭○腥○遠○竄○未○僵○終○待○觀○兵○公○笑○而○起○不○震○不○驚○麾○以○黃○鉞○繫○以○朱○纓○舵○樓○閑○閑○風○帆○盈○盈○飲○飛○桓○桓○水○犀○薨○薨○問○使○驛○驛○降○帆○繩○繩○所○門○者○知○豈○事○力○征○天○時○地○利○不○爽○神○明○誰○違○公○言○幾○喪○其○旌○危○關○失○險○一○夜○潮○平○甲○螺○稽○首○百○

國朝文獻
輩來廷甲螺紅夷頭目之名銘功南極浮石早徵功成身實君子無爭其不朽者三受降城宛委山頭想見英靈

平臺大事業姚公大經濟先生大文章三者足以相稱。姚公
功人也施煥功狗也施生受封而公死不得諡宜其憤慨彌深

○前侍郎桐城方公神道碑銘

古今宿儒有經術者○或未必兼文章○有文章者○或未必本經術○所以申毛服鄭之於遷固○各有溝渚○唯是經術文章之兼固難○而其用之足爲斯世斯民之重○則難之尤難者○前侍郎桐城方公○庶幾不愧於此○然世稱公之文章○萬口無異辭○而於經術○已不免皮相之若○其惓惓爲斯世斯民之故○而不得一遂其志者○則非惟不足以知之○且從而搖擊之○其亦悽矣○公成進士七年○以奉母未釋褐○已有盛名○會遭奇禍○論死○安溪方傾倒於公○力救之○荷聖祖如天之仁○宥死隸旗下○以白衣直禁廷○令與諸皇子遊○自

和碩誠親王下皆呼之曰先生。事出破格。固無復用世之望矣。然公雖朝不坐。燕不與。而密勿機務。多得聞之。當是時。安溪在閣。徐文靖公元夢以總憲兼院長。公時時以所見敷陳。某事當行。某事害於民。當去。其說多見施行。或欲薦公。則曰。僕本罪臣。不死已爲非望。公休矣。但有所見。必爲公言之。倘得行。拜賜多矣。世宗卽位。首免公旗籍。尋欲用公爲司業。以老病力辭。九年。竟以爲中允。再遷爲侍讀學士。孫公嘉淦以刑部侍郎尹京兆。兼祭酒。勁挺不爲和碩果親王所喜。有客自邸來。傳王意授公急。奏令劾之。當卽以公代。公拒不可。其人以禍怵之。公以死力辭。不數日。竟

辭○不○足○誌

有應募上劾者孫公下獄公謂大學士鄂公曰孫侍郎以非罪死貴○鄂○前○非○他○人○公亦何顏坐中書矣於是孫公卒得免人多爲公危之而王亦不以是有加於公也尋遷內閣學士公以不任行走辭詔許免上直有太議得卽家上之公感激流涕以爲不世之恩當思所以爲不世之報然日益不諧於眾矣

今上卽位有意大用公時方議行三年之喪禮部尚書魏公廷珍公石交也以諮公公平日最講喪禮因欲復古人以次變除之制隨時降殺定爲程度內外臣工亦各分等差以爲除服之期此說本之梓亭陸氏公上之問者大駭其格其議尋遷禮部侍郎公又辭

詔許數日。一赴部。平決大事。公雖不甚入部。而時奉獨對。一切大
除授并大政。往往諮公。多所密陳。盈庭側目於公。初公嘗董蒙養
齋。河督高君方在齋中。公頗言其必貴。故河督最向往公。及其違
眾議。開毛賊。鋪舉朝爭之。不能得。外而督撫爭之。亦不能得。公獨
具疏力陳河督之懷。

上頗心動。河督自請入面對。上以其平日素向往公也。以疏示
之。河督大恨。亦思傾公。禮部共議薦一貲郎入朝。和碩履親王蒞
部。已許之矣。公以故事。禮部必用科甲。不肯平署。王亦怒。會新拜
泰安爲輔臣。而召河閒魏尚書爲總憲。朝廷爭相告曰。是皆方侍

郎所爲若不共排之將吾輩無地可置身矣於是河督言公有門
生在河上嘗以書託之上稍不直公而禮部中遂有挺身爲公
難者公自知孤立密陳其狀且以病爲請許以原官致仕仍准書
局以 上意未置公也適庶常散館又以公有私發之遂被削
奪仍在書局行走然 上終思公一日吏部推用祭酒 上沈吟
日○是○官○應○使○方○苞○爲○之○方○稱○其○任○旁○無○應○者○嗚○呼○溫○公○退○居○畱○臺○
神宗方改官制以爲御史大夫非光不可其亦古今所同慨也夫
於是公自以精力倍衰求解書局許之 特賜侍講銜居里杜門
不接賓客江督尹公踵門求見三至以病辭乾隆十有年八月十

有八日卒。春秋八十有二。公諱苞，字靈臯，學者稱爲望溪先生。江南安慶之桐城人。桐城方氏爲右族，自明初斷事公以遜志高弟，與於革除之難。三百年中，世濟其美。明季密之先生尤以博學稱。近始多居江寧者，公亦家焉。三世皆以公貴。贈閣學。公少讀書，能見其大。及遊京師，吾鄉萬徵君季野最奇之，因告之曰：「勿讀無益之書，勿爲無益之文。」公終身誦以爲名言。自是一意窮經，其於通志堂徐氏所雕九經，凡三度芟蕪之，不喜觀雜書，以爲徒費目力。文尤峻潔。未第時，吾鄉姜編修湛園見之，曰：「此人吾輩當讓之出一頭地者也。」論文最不喜班史、柳集，嘗條舉其所短而力詆之。世

之人或以爲過。而公守其說。彌篤。尤精者爲三禮。晚年七治儀禮。次之爲春秋。皆有成書。閒讀諸子。於荀管二家。別有刪定本。皆行於世。公享名最早。立朝最晚。生平心知之契。自徐文靖公後。曰江陰楊文定公。曰漳浦蔡文勤公。曰西林鄂文端公。曰河間魏公。曰今相國海寧陳公。曰前直督臨川李公。曰今總憲宣城梅公。曰今河督顧公。其與臨川。每以議論不合。有所爭。然退而未嘗不交相許也。雅稱太原孫尚書。曰殆今世第一流也。及太原進家臣。公稍疑之。嘗歎曰。知人之難。諒哉。履邸雖惡公。而知公未嘗不深。一日鄂文端侍坐。論近世人物。文端歎曰。以陳尚書之賢也。而自閩撫

朱文靖公亦最相得者何爲不數

入京聞其進義餘金六萬人固未易知也王曰其方侍郎乎其強
聒令人厭然其堯舜君民之志殊可原也嗚呼大江以南近日老
成日謝經術文章之望公與臨川實尸之雖高臥江鄉猶爲天下
之望去年公卒今年臨川繼之蓋無復慙遺矣豈不悲夫予之受
知於公猶公之受知於萬姜二先生也予之罷官也公預見其兆
諷以早去及於歸公又以爲惜欲留余而不知公亦從此被憾矣
公之密寄祕牘世所未見唯道章知之而道章先公卒故余亦不
能舉其十一也西州之痛言不敢私亦不敢違安得以銘爲辭其
銘曰

經說在笥文編在笥雖登九列依然賡志強聒而言何補於事適
昭多口成茲頭懸懸知耿耿百年長視老成凋喪嗣子又逝孰知
公者青蠅僅至墓門片石秦淮之濱

侍郎真古人也文於經術文章外特折重其堯舜
可以爲知已報矣
君民之志

。閣學臨川李公神道碑銘

乾隆十有五年。閣學臨川李公卒於家。公以病退已十年。然海內士大夫猶時時探公起居。以爲斯道之重。公卒而東南之宿德盡矣。嗚呼。公揚歷三朝。負重望者四十餘年。以爲不遇。則亦嘗受特達之知。荷非常之寵。內而槐棘。外而節旌。至再至三。有具臣所不敢望者。以爲遇。則乍前而遽却。甫合而已離。磨蝎蒼蠅。旁午中之。何造物之顛倒斯人。一至此也。累蹶累起。卒不得志。終於骯髒。以沒。是則可爲痛心者矣。公以己丑進士入詞館。授編修。卽受聖祖不次之擢。趙五階爲庶子。主試滇中。浙中凡再遷而至閣學。

攝吏部侍郎兼副都且大用矣。以辛丑校士之役。被論罷官。視永
定何工。蓋未及一年而已黜。始、此、未、及、一、年。

世宗在潛藩。雅知公。既嗣位。名還。盡復其官。時時賜獨對。參豫大
議。時有密勿重臣二人。禮絕百僚。親王亦折節致敬。而公平揖之。
重臣言公賦性剛愎。難共事。乃解閣部二官。但領副都。尋復以爲
兵部侍郎。直講筵。視清歸。稱旨。旋令填撫廣西。重臣終心思之。
因作四巡撫論。皆加醜詆。以爲亂政之魁。四巡撫者。江撫楊文定
公。時爲滇撫。今大學士海寧陳公。時爲東撫。其一則公。而蔡尙書
爲川撫。亦豫焉。不二年。

世祖思公。名爲直隸總督。盼疎倍隆。公力言河東總督田文鏡之殃民。旣面奏之。漏三下。猶未退。又連章糾之。河督亦劾公朋黨。袒護屬吏之出自科第者。

世宗始頗直。公言將斥河督。已稍猶豫。於是封事狎至。公雖互有所持而不勝。當是時。

世宗方痛懲廟堂朋比之習。蔡尙書者。素負才而專已。顧獨傾心於公會。其失眷忌者。因譖之以爲是其死友。歷指其踪跡。公益訓名入爲工部侍郎。其在事方九月也。則新任直督及廣撫交章劾公。初公在廣撫任中。嘗安插一罪苗。至是逃去。新廣撫不自引咎。

追劾公從前措置不善。詔使公隻身前往捕賊。自贖不得。攜廣中一吏卒人皆危之。公至而叛苗束身自歸。有司訊之曰。吾不可以負李公。其事得解。時公已削奪官爵。既歸。下刑部聽訊。大臣議公罪。應絞者十有七。應斬者六。共應得死罪二十有四。凡屬吏于官項有虧者。皆令公代賠。籍其家取其夫人之簪釧視之。皆銅器也。獄成。世益爲公危。顧公處之泰然。在囚中。日讀書。晝飽啖。夜熟眠。若不知有憂患。者。內外諸臣方以全力羅織公。必欲置之死。世宗始終念公。特以其性剛意欲痛有所摧折。而後湔洗而復用之。乃大名廷臣并召公親詰責之。公正色無所撓。但言臣罪當

誅乞印正法以爲人臣不忠之戒無乞憐語是日

天威甚厲近臣皆驚悸恐有大處分而公自若尋奉 詔恩赦公

令纂修八旗志書敝車羸馬卽日赴局杜門不接賓客重葺平生

所著書如是者八年

今上卽位召見諭曰

先帝固欲用汝卽日授戶部三庫侍郎尋改左侍郎時頗有阻公

之起而不得者顧不一年竟左遷詹事公平生以行道濟時爲急

用世之心最殷故三黜而其志未嘗少衰恬然之氣亦未嘗少減

然而霜雪侵尋日以剝落華亦漸耗矣會以丁太夫人憂歸服

除左遷光祿尋遷閣學時方主試江寧一旦忽大病神氣遂支離
扶疾還朝詔在京調治不痊許以原官致仕賜詩以寵其行歸
而稍愈優游里社會一至黃山蓋公先世自王父以來皆休寧產
也然非復前此之仇壯矣世之論公者謂公生平良蹇於遇顧亦
頗咎公之不能善用其才公以博聞強識之學朝章國故抵掌而
談如決潰隄而東注不學之徒已望風不敢前席而公揚休山立
左顧右盼千人皆廢未嘗肯少接以溫言故不特同事者惡之卽
班行中亦多畏之嘗有中州一巨公自負能昌明朱子之學一日
謂公曰陸氏之學非不岸然特返之吾心兀兀多未安者以是知

其於聖人之道未合也。公曰：君方總督倉場而進羨餘，不知於心安否？是在陸門五尺童子唾之矣。其人失色而去。終身不復與公接。然其實虛懷善下，未嘗以我見自是，予以晚進叨公宏獎，其在講座每各持一說與公力爭。有時公亦竟舍其說以從予，卽其不合者亦曰：各尊所聞可矣。故累語客賞予之不阿，而世方以閉眉合眼嗟伊嚙兒，伺察廟堂意旨，隨聲附和，是爲不傳之祕。則公之道宜其所往輒窮也。西崦暮齒尙遭側目，可悲也。夫公好士出自天性，故校士則蒙關節之謗，察吏則又遭鉤黨之誣，詞科之役公待罪書局，猶諄諄問余以天下才俊，各取其所長登之簿錄，是以

丙辰復受薦舉過多之罰。偶取放翁詩題櫺曰：遠聞佳士輒心許。老見異書猶眼明。蓋寶錄也。余之罷官也。徐相國言於朝曰：今日李詹事必大作惡。或問之。張尙書從旁答曰：此乃具體而微之李詹事也。嗚呼。予亦何足以望公。而辱諸君之推轂乎。其經術皆足以經世務。指揮所至。迎刃而解。曾一出視漕。卽爲清運。丁積年之害。至今遵行。而惜其所至者。皆未有三年淹也。生平學問宗旨。在先立乎其大者。陸子之教也。聞謂余曰：吾苟內省不疚。生死且不動其心。何況禍福。禍福且不足動其心。何況得失。以此處境。不難矣。予於諸生請業多述公此言以告之。今老成徂謝。後學其安

所依歸乎。公諱紱，字巨來，學者稱爲穆堂先生。其居臨川僅二世，少貧甚，讀書五行並下，落筆滾滾數千言，而無以爲生，嘗自其家徒步負襁被之微，又之吳、吳入武，異其才，然未能振也。或言之江撫郎公，一見曰：「非凡人也。」始資給之，遂魁其曹。三世皆以公貴，累贈戶部侍郎，娶某氏，封夫人。子四：孝源、孝泳、孝游、孝洋，並登鄉薦。而孝源爲縣令，孫友棠進士、翰林，今改御史。公春秋七十有八，葬於某山之某原，所著有穆堂類藁五十卷，續藁五十卷，別藁五十卷，春秋一是二十卷，陸子學譜二十卷，朱子晚年全論二十卷，陽明學錄若干卷，八旗志書若干卷，皆行於世。公於雍正癸丑之冬。

見余文而許之。遂招余同居。時萬學士孺廬亦寓焉。紫藤軒下。無
日不奉明誨。諄諄於義利之戒。公以丁憂歸。予以罷官歸。學士亦
以丁憂歸。是後一見公於江寧。則公已病甚。猶惓惓以余出處爲
念。既歸。不復相聞矣。公之歷官事迹。不能悉述。且亦有事祕不能
直陳者。然而予苟不言。世且無知者。乃畧陳其梗概。然終不能百
一也。嘗謂公之生平。盡得江西諸先正之裴治學術。則文達文安。
經術則盱江。博物則道原。原父好賢下士。則袁公。文章高處。逼南
豐。下亦不失爲道園。而堯舜君民之志。不下荆公。剛腸勁氣。大類
楊文節。所謂大而弗夸者。吾言是也。其銘曰。

用則大受。否則卷懷。日亨日屯。我何有哉。所可惜者。用世之才。困頓而死。志士所哀。名山大川。千古昭回。英靈之氣。長表券臺。

起手屢起屢蹶。卒不得志。終於骯髒。以歿。三句實爲一篇之綱。中間一路寫來。無非此意。結處以公之生平。盡得江西諸先生之裴治贊之所以推重者至矣。

望溪先生有堯舜君民之志。穆堂則實有用世之才。使得大行。陽明功業可庶幾也。然涵養不足。故篇中以不能善用其才咎之。

鮚埼亭文集卷四

鄞縣全祖望紹衣著

後學上高李祖陶欽之評點

新昌漆象曾念菴校刊

○工部給事中前翰林院編修濟甯曹公行狀

曾祖六龍諸生 皇贈浙江遂安縣知縣

祖垂雲諸生 皇贈山東道監察御史

父泰會康熙戊午舉人福建莆田縣知縣 皇贈工科給

事中

本貫松江府上海縣人青浦縣籍年五十九

公姓曹氏諱一士字諤廷濟寰其別字也系本宋樞相武惠王後以明成化閒始遷上海五世祖誠有隱德名在明史孝義傳公年十五補諸生少畱心於十四經廿一史連絲貫弗不徒以章句也尤潛玩洛閩諸書旁搜曲證以求會通每作詩古文詞溫潤雅潔見者無不心折閒以其暇選坊社經藝亦復風行天下蓋公之湛深經術綜覈儒先其於制舉業眇然餘技耳而海內窮鄉下里兔園學究正以是靡不知有曹先生者然而數奇不遇拓落於諸生者幾四十年三年大比持節至江左主試者莫不欲得公以爲重庚子令禮部尙書景州魏公主江南試榜後於鹿鳴宴中三歎以

不得公爲歎。河道總督湘潭陳恪勤公謂天門唐南軒曰：曹君連蹇甚矣。將資送之入太學。公以太宜人老不欲行。會左副都御史侯官鄭公以督學至，用拔萃貢明經。丙午始舉順天秋試。明年春試不第。新例取貢士選其尤者授教職。而公得江南直隸通判如皋縣學教諭。抵任修明蕪湖故事。講求經術治道。作爲詩文以旌節孝。未朞年而上計。遂成進士。太學士海寧陳文簡公禮部侍郎華亭王公交薦於朝。改翰林院庶吉士。公以文章掉鞅海內已久。垂老釋褐。主試諸公皆自以爲龍湖之得震川。尋充順天壬子鄉試同考官。得士二十餘人。今禮部尙書溧陽任公爲主司。賞爲

得人第一。癸丑散館授編修。

世宗召見問公年。奏事畢。上諭稱明白者。再時大學士桐城張

公宣。上意以山西太原府知府需人。將於翰林中補用。而公固

辭。願畱館閣。刑部侍郎奉天王公薦。充一統志館纂修官。分撰廣

東一省。并湖南諸府州發摘舊志之譌。極多。甲寅。管內緝書房事。

乙卯。充文穎館纂修官。五月。改山東道監察御史。八月。

今上嗣位。浹月之間。純王善政。不可指屈。公既感。

此時正好進言

世宗知遇。又值重華繼照之時。益思奮勵以報。而有詔羣臣

輪班奏對。中外訢訢共望。讜論公首言督撫者守令之倡。願其中

皆有賢者有能者。賢能兼者上也。賢而不足於能者次之。能有餘而賢不足者又其次也。督撫之爲賢爲能。視其所舉而瞭如。今督撫之保題守令。約有數端。曰年力富強也。辦事勤慎也。不避嫌怨也。其實跡則大略曰錢糧無欠也。開墾多方也。善捕盜賊也。果如其言。洵所謂能吏也。乃未幾而或以賊汙著。或以殘刻聞。舉所謂貪吏酷吏者。無一不出於能吏之中。彼夫吏之賢者。悃悃無華而已。惻怛愛人而已。事上不爲詭隨而已。吏民同聲謂之不煩而已。度今世亦不少其人。而督撫薦剡亦未及此。得毋視賢吏爲無能耶。抑亦以能吏卽賢吏耶。臣恐所謂能者非真能也。以趨走便利。

而謂之能則老成者爲遲鈍矣以應對捷給者謂之能則木訥者爲迂疎矣以選材喜事而謂之能則鎮靜者爲怠緩矣以武健嚴酷不恤人言而謂之能則勞於撫字拙於鍛鍊者謂之沽名釣譽才力不及而撫拾細故以罷黜之矣至於所取者潰敗決裂則曰臣不合誤舉於前統聽部議而已夫有誤舉必有誤劾誤舉如此則誤劾者何如誤舉者猶可議其罪誤劾者將何從議乎臣以爲今之督撫明作有功之意多而惇大成裕之道少損下益上之事多而損上益下之事少此治體所關也

皇上於凡丈量開墾割裂州縣改調牧令一切紛更煩擾之舉皆

行罷革爲督撫者度無不承流而宣化矣○所慮者彼或執其成心○則且飾非以自護○或意爲迎合○復將姑息以偷安○臣敢請

皇上特頒諭旨○剖析開導○俾於精明嚴肅之中○布優游寬大之政○使能者務勉於賢○而賢者益勵於能○如或諭之而不悟○卽賜乾斷

罷斥之○將督撫無不洗心滌慮○而令守亦無壅於上聞之患○是知○人之哲○卽安民之惠也○疏入○上卽播告直省○又請寬比附妖言

此○疏○尤○足○救○時○人○所○不○救○開○之○口○耳

之獄○兼挾仇誣告詩文以息惡習○謂古者太史採詩以觀民風○藉以知列邦政治之得失○俗尚之美惡○卽虞書在治忽以出納五言○之意○使下情之上達也○降及周季○子產猶不禁鄉校之議○惟是行

僻而堅言僞而辨。雖屬聞人。聖人亦必有兩觀之。誅誠惡其惑眾也。往者造作語言。顯有背逆之迹。如罪人戴名世。汪景祺等。

聖祖

世宗因其自蹈大逆而誅之。非得已也。若夫賦詩作文。語涉疑似。如陳鵬年任蘇州府知府。遊虎邱作詩。有密奏其大逆不道者。聖祖明示九卿。以爲古來誣陷善類。大率如此。如神之哲。洞察隱微。可爲萬世法則。比年以來。小人不識。兩朝所以誅殛大慙之。故往往挾睚眦之怨。借影響之詞。攻訐詩書。指摘字句。有司見事風生。多方窮鞠。或致波累師生。株連親故。破家亡命。甚可憫也。臣

愚以井田封建不過迂儒之常談不可以爲生今反古述懷詠史
不過詞人之習態不可以爲援古刺今卽有序跋偶遺紀年亦或
草茅一時失檢非必果懷悖逆敢於明布篇章使以此類悉皆比
附妖言罪當不赦將使天下告訐不休士子以文爲戒殊非國
家義以正法仁以包蒙之意伏讀

皇上諭旨凡奏疏中從前避忌之事一槩掃去仰見聖明廓然
大度卽古敷奏采風之盛臣竊謂大廷之章奏尙捐忌諱則在野
之筆札焉用吹求請救下直省大吏查從前有無此等獄案現
在不準援救者條例上請以俟明旨欽定嗣後凡有舉首文學

者苟無的確踪跡以所告本人之罪依律反坐以爲挾仇誣告者
戒庶文字之累可蠲告訐之風可息矣上亦如公所請自公對
班所上五摺多見采錄舊例十三道御史以次轉六科給事較資
俸深淺公入臺勵六月特轉工科給事中公之陳封事雖故交門
舊莫得而探其緒故其所言非經

皇上發總理諸臣共閱及部議者皆弗知也及劾奏原任河東督
臣王士俊既上而外人有竊聞之者莫測所自來上聞不懌以
爲公自洩之因敕部議處部議左遷上終眷公從寬畱任公未
嘗以此稍挫其敢言之氣侃侃如初尋又陳工科之價值有定官

吏之尅減無常。查雍正十年刊有內廷現行則例及物料價值一書。巨細畢載。成法井然。惟是各省興作。或隨地度材。或因時庀役。當俟各督撫題達。到日核議請旨。懇於價平貨善。庶稱工良。

聖朝寓明作於考工。小民卽子來以食力也。乃其後有以浮冒効參者。有並無工料數目。籠統開載。致干部駁者。有駁詰之後始行冊報。仍與部例不符。勒令追賠者。有隨參侵冒。隨罰重修者。有勢難重修。姑仍其舊。稍爲彌縫。賄補者。凡此皆冒帑誤工。累民病役之大畧也。夫事後之糾參。不少則事前之防範。宜周。臣竊慮不符部例。而冒銷者易知。名符部例。而冒銷者難測也。各省於未興工

前確估報部已竣工後委員勘實此常例也然九卿所定之例各工所估之數直省之官吏皆得與知之而列肆之商賈力作之匠徒則不知也夫既不知工料應得之數則物值之高者聚之就下工買之多者抑之就寡日國家之定例如是而節省之名歸於公侵漁之利入於私矣至於州縣偶有濬築必按圖甲起夫票促鐵拘始行就役使其果符部例窮民儘堪糊口何不踴躍赴工致煩迫促則皆官吏隱祕成數以逞其伸縮出沒之奸所致也臣以爲物當其值役賞其勞國家率作省成之事功豈可爲臣下出少入多之囊橐伏乞敕下直省督撫凡一切營造開濬所須物

料工匠遵照部例估有成數。一面題達。一面卽飭該府州縣刊刻。
榜文懸示。工作地方。俾公平正大之價。眾目共覩。眾耳共聞。少有
伸縮。出沒。人人得以指證。有不肖官吏。包攬匠頭。驅之明目張膽。
之途。各懷口眾我寡之思。安有籠統開報於事前。侵冒追賠於事
後之患哉。又陳各州縣官。讞獄胥吏。上下其手。改竄獄詞之弊。皆
得旨交部。蓋公當言官。不過一期。而所建白。皆有益於世道。生
民。朝野傳誦。想望風采。以爲行將大用。乃忽於七月申得哽噎症。
自八月至十月。時發時愈。又踰月而篤。遂以二十七日卒。距生康
熙戊午十月十六日。得年五十有九。歲初娶宜人張氏。泰安州知

州錫懌孫女繼娶陸氏廣東湖惠道振芬孫女俱無子繼娶劉氏
生子錫端爲伯兄後嗣室朱氏生子錫圖女三長適葉承雍正丁
未進士池州府貴池縣教諭次適陸秉笏諸生其一尙幼公於同
輩中爲晚達顧其立朝大節烺烺可按雖不竟其施以歿而其所
樹立已不愧於古人仲兄老而舉於鄉公計其來親至蘆溝橋迎
之夜宿坊舍閒同衾語昕夕時其飲食而親奉之其歸也涕泗而
別踰年仲兄卒稿素茹蔬者浹月生平間人之善不啻日出尤愛
獎引士類熈咈無所不至其所成就極多然不肯苟徇人之求壬
子闈中累爲同考諸君言大江南北篤志窮經之士若而人洽閭

之士若而人。雄文之士若而人。幸各留意。聞者擬爲通榜之習氣也。乃有同里姚生者。少出公門下。公所飲食教誨。以底於成者也。暨榜發。姚不豫。人以是服公之無私。每語及國事。尤惓惓不能自已。吏部侍郎鄞江邵公出撫江蘇。公已病。尙手草數十紙。皆地方利害之大者。在牀蓐間。強起書之。以遺焉。公雖官於京七年。而負郭之田。猶止微時故業。家屬在南。將遣人往迎。未及而病作。無一語及家事。藐孤軟弱。甫逮十齡。奔赴爲難。摒擋殘篋。僅得圖書數捆。廩俸之餘。未足具喪事。生平述作。多未成編。於散藁中。一一收拾。將與門下同歲諸生。徐爲纂集。以行世。而先撮其生平言行大

略述之以爲異日國史家乘底本焉。謹狀。

諤廷先生有用才也。所上諸疏皆切時務。故詳列於篇。

○○通判知山東堂縣事張府君行狀

曾大父大治諸生 皇賜贈文林郎

大父萬機國子生 皇贈文林郎

父之紀河南孟縣知縣

本貫浙江寧波府鄞縣張華山人享年七十有二

君諱興工字甯堂。先世出自宋景炎太傅越公世傑之後。越公自臨安抗議背城一戰不得。以所部東渡。駐慶元定海之巾子山。爲觀變計。元使降將卞彪說之。越公執而磔之山下。會陳丞相等起奉端宗。越公遂航海赴之。展轉閩粵。竟殉崖門。而慶元遺民爲公

立祠巾子山下。公畏子出百死亡命。以慶元遭民多念公者。遂來
隱居鄞之張華山。聚族四百年。潛德不曜。自君之大父。以才譖邀
遊湖海。國初勲鎮大臣。多延之幕府。蓋嘗僑居山東。暨松江者
久之。而歸寧。至孟縣。君始通籍。以循吏稱。君爲孟縣長子。以高才
列國。肖當是時。張氏家門正盛。甲第田園殷然。而孟縣醇心篤行。
貴不驕富不侈。力敦孝友。勤施族黨。遠追古人義田之風。設爲家
塾。以課族中子弟。諸一切事宜。皆以君督之。君能仰體厥考心。以
先諸弟。條除世俗膏粱裘馬之習。吾鄉士論翕然。以爲漢萬石君
不言而躬行。孟縣似之。而克肖其家風。則君殆郎中令之流也。君

既身綜家政。無毫髮私於已。諸弟亦化其。推梨讓棗。雍雍怡。願君坦懷待人。不逆不億。遂爲人所負。驟耗至三千金。以是家漸落。諸君資格。應早得官中。遭沈滯。又懼太君之變。至雍正己酉。始得入都。就選人籍。則君已蕭然成糞人矣。次年。

天子召見殿中。以爲能。發東省試用。今都御史唐君我村時方任東臬。一見識之。命以查賑同賑諸君大率欲節省賑穀者多。體卹飢民者少。東臬親出驗視。又爲求賑飢民所聒。頗激怒君。宛轉調停。核其果有浮冒者汰之。餘皆疏通其戶口而增給之。東臬大喜。以爲善會其意。且補其過也。役竟。言之署撫王劉二侍郎。試知堂。

邑君之莅事也。首入獄。見其中別有屋數間。詢曰。是何人所居。吏曰。前令沈君去官。監追虧累所建也。君瞿然曰。戒之哉。乃君之作令。則實有過人者。其初受任也。見所徵錢糧。皆憑戶房吏所造。赤厯流水簿。幕友不過核其大概。苟求無錯而已。未嘗一一查對也。凡一切摘拏大戶勾消流水。皆出吏手。因得以舞弊。絲毫稍增而爲釐釐稍增。而爲分。漸積而多。吏因得將已戶漏輸。或私收大戶所納肥已。而以民間之羨抵之。若大有餘。則不肖之官。不肖之幕友。分啗之。是固天下之通弊也。君別令幕友之精於會計者。將赤厯逐戶查對核實。勾消摘拏。皆自內出。而所司之吏。不得豫吏稍。

稍。思。然。終。歲。猶。餘。二。百。七。十。餘。金。吏。亦。故。欲。以。試。君。也。君。念。所。餘。
無。從。還。給。將。所。拘。之。逃。戶。與。有。糧。無。地。之。賠。戶。得。其。最。甚。者。免。徵。
二。百。七。十。餘。金。貧。民。受。恩。不。知。所。自。而。所。司。之。吏。亦。內。媿。不。敢。怨。
次。年。乃。令。赤。厯。以。毫。爲。止。差。累。無。得。增。一。毫。者。然。歲。終。猶。餘。百。五。
十。餘。金。吏。以。舊。年。之。均。抵。及。貧。民。也。故。令。其。所。親。或。延。挨。不。完。以。
圖。被。澤。君。必。欲。絕。之。乃。於。次。年。赤。厯。以。忽。爲。止。吏。稍。稍。窮。歲。終。不。
過。十。餘。金。君。令。存。之。庫。以。備。公。用。嗣。後。浮。徵。漸。絕。君。因。嘆。司。牧。徵。
輸。之。難。不。肖。者。與。吏。共。爲。奸。不。習。爲。吏。者。聽。其。出。納。使。大。吏。於。每。
州。縣。提。取。赤。厯。稽。之。人。人。皆。可。誅。也。公。念。前。此。查。賑。之。役。皆。由。保。

甲之法未善。若保甲果精。豈有貧狡混列老弱遺漏之患。乃實心行之。周詳審悉。別見君所著清釐堂邑戶口記。其法最備。可舉行之天下。其後疊有水旱被賑。惟堂邑最易理盜賊。亦衰止。則明效之著者也。初君里居。嘗歎近來司牧之失。不論大小事宜。動經數月。甚至沈閣數年。不結鈔詞。有費出。票有費。拘犯有費。挂牌聽質。有費。聽質上堂。又有費。蓋自六房兩班差役。以及行杖之徒。無不有費。尤可訝者。有所謂賞紙之例。一票出差役爭營求得之。夫以賞差爲名。是導之需索也。尙有人心者乎。所以一訟結。能蕩中人

之產。及君之任。其準理呈詞。定在三日內出票。而鈔詞出票。拘犯

之費免。發牌時量其路之遠近。親筆限某日帶訊。違者責而控牌。
之費免。屆期不論早晚。卽爲訊問。消案。或有須覆訊者。多卽在次。
日或甚冗。則面諭以日期而遣之。而遷延守候偵探指撞之費免。
差役畏君之嚴。營求屏絕。需索亦哀止。然君則曰。此輩如鬼如蜮。
謂竟能使之一切風清。吾未敢信其然也。盡吾之心。行吾之法。庶。
幾不至決波倒瀾乎。聞者以爲至言。乾隆二年。東州復歉。收大府。
援以工代賑之例。題開武城臨清夏津一帶運河。君方署臨清牧。
所轄役夫二千三百餘人。共計估土方三萬三千七百有奇。乃所。
發帑銀在君竟內者。屬得二千七百兩。不足以給民之食。而督促。

甚急君大憂之歎曰以工代賑周官之美政也而行之今日大有累民之處大工既興人眾米價益昂老幼之不能赴工者先受其累將謂壯者赴工可以養及其家乎則工直幾何且如築城築隄但可以土方計工今開河必兼水工如此次河身需開二丈四尺初開在平地一人一日可得土一方受值裕如及至七尺有餘高愚耳下縣絕二人竟日僅得土一方則所受之值不敷至一丈五尺以上三人竟日僅得土一方而水已橫溢四出又別需人運水其運須楫須礮須水車然後得運土而運土者往返八十餘步人益勞既深二丈則三人竟日尙不得土一方而所受之值不增何以救

佛顧指出人看今人動曰以工代賑特未之

飢○遂○日○夕○逃○亡○勢○莫○能○禁○大○吏○始○事○所○計○但○及○土○方○之○功○既○束○於○
成○數○欲○稍○爲○變○通○則○土○未○及○半○帑○銀○已○竭○牧○者○之○資○力○無○幾○卽○捐○
以○急○公○終○不○足○不○得○已○身○先○捐○資○以○及○富○民○之○稍○有○餘○粟○者○苦○口○
曲○意○令○之○助○功○給○食○勵○而○克○集○向○使○初○估○之○時○豫○分○計○水○工○土○工○
人○工○則○官○民○不○累○而○工○易○成○而○又○需○別○謀○所○以○賑○其○老○幼○之○法○則○
事○無○阻○然○大○吏○必○不○肯○委○曲○及○此○以○滋○重○費○故○爲○民○者○往○往○反○以○
此○累○民○此○惟○君○身○歷○而○知○之○而○余○備○詳○之○而○不○厭○以○爲○足○令○天○下○
後○世○臨○民○者○鑒○於○此○而○動○其○心○也○然○是○役○竟○而○君○遂○病○右○足○爲○汗○
牒○所○傷○屈○申○不○得○自○如○初○君○試○事○期○年○而○真○授○既○考○以○最○制○府○平○

越王侍郎將薦之會去任不果北平黃藩司又欲薦之不果歷攝
臨清高唐館陶皆有聲善政之及民者不能條舉而件繁然觀於
其大者亦可以見君十有二年居官之略矣君旣以足疾欲乞休
同寮屬有惡其持正者請託多所不遂構之大吏遂以去官堂邑
之民譁然

天子亦念君勞名見將令之直隸而君奏對畢疾動蒲伏不能起
乃賜歸其命也夫然君自少年承先人之餘履豐席厚中年喪其
資斧殆盡老得一官堅持古人之節釜魚甑塵解組南下家無長
物僵臥一室有爲素寒之士所不堪者雖枯菀之遇亦關於命而

君之不愧於古者正在是矣。君生平無事不歸於忠厚。前堂邑令朱君卒官。所欠官帑二千金。君爲委曲設法抵之。又以二百金贖其眷屬而歸。生平所遇非意之事。橫逆旁午。每委曲謝之。尤惓惓欲廓大先人之義田而不克。晚年困甚。猶時時不能忘情。其操履醇篤。從無大過。閒有一二薄物細故。自以爲未當者。垂老猶向子弟言以爲悔。欲使子弟戒之。蓋亦近於慈湖內訟之學者歟。君生於康熙己未三月二日。卒於乾隆庚午正月五日。身後幾無以爲殮。娶胡氏。杭州臨安縣訓導德裕女。再娶陳氏。大理寺少卿紫芝女。三娶項氏。戊子舉人伯女。四娶邱氏。諸生正恂女。男子五。長嗣。

鏡國子生先卒次嗣鐸國子生次嗣錫嗣銓女子四孫男三孫女
四諸子將以卒哭後合葬於先孺人之兆而乞余爲之狀予自庚
戌與君邂逅京邸其後音問雖不甚接而從東方士大夫聞君政
聲甚善嘗致書欲捐君清俸以修太傅越公巾子山之祠君復書
甚喜願乞稍待其力而竟弗能副也及其歸君已足疾杜門予亦
終歲奔走不得時見然能知君居家居官之心迹足以有所暴白
於世而惜其命之困卒無有能援而振之者以至於扼窮齋志而
歿而猶欲以文字之力稍爲君申沈屈於身後者莫予若也是爲
狀

因有此言才詳敘此

女○頃○名○此○子○嗣○之○氣○

六○十○四○字○作○二○句○讀○失○生○

行狀兩篇前篇名臣奏議此篇州縣心書後之序臺諫與循吏
者吾知取裁焉而裕如矣

○萬貞文先生傳

貞文先生萬斯同字季野學者稱石園先生鄞人也戶部郎泰第
八子少不馴弗肯帖帖隨諸兄所過多殘滅諸兄亦忽之戶部思
寄之僧舍已而以其頑閉之空室中先生竊視架上有明史料數
十冊讀之甚喜數日而畢又有經學諸書皆盡之既出因時時隨
諸兄後聽其議論一日伯兄斯年家課先生欲與焉伯兄笑曰爾
何如先生答曰觀諸兄所造亦易與耳伯兄驟聞而駭之曰然則
吾將試汝因雜出經義目試之汗漫千言俄頃而就伯兄大驚持
○麟○者○也
之而泣以告戶部曰幾失吾弟戶部亦愕然曰幾失吾子是日始

為先生新衣履送入塾讀書。逾年遣請業于梨洲先生。則置之絳

帳中。高座先生讀書五行俱下。如決海隄。然嘗守先儒之戒。以為

無益之書不必觀。無益之文不必為也。故于書無所不讀。而識其

大者。康熙戊午。詔舉博學鴻詞。浙江巡道許鴻勳以先生薦。力

辭。得免。明年開局修明史。昆山徐學士元文延先生往。時史局中

徵士許以七品俸稱翰林院纂修官。學士欲援其例以授之。先生

請以布衣參史局。不署銜。不授俸。總裁許之。諸纂修官以藁至。皆

送先生覆審。先生閱畢。謂侍者曰。取某書某卷某葉有某事。當補

入。取某書某卷某葉某事。當參校。侍者如言而至。無爽者。明史纂

○成○一○代○之○書○他○家○有○謂○具○時○錄○冬○日○已○替○書○者○則○言○之○大○過○

○不○如○此○何○能○撰○纂○修○官○之○第○

○四○字○狀○得○出

五百卷皆先生手定。雖其後不盡仍先生之舊。而要其底本。足以自爲一書者也。先生之初至京也。時譏意其專長在史。及崑山徐侍郎乾學居憂。先生與之語喪禮。侍郎因請先生纂讀禮通考一書。上白國卹。以及家禮。十四經之箋疏。廿一史之志傳。漢唐宋諸儒之文集。說部無或遺者。又以其餘爲喪禮辨疑四卷。廟制折衷二卷。乃知先生之深于經。當時京師才彥霧會。各以所長自見。而先生最闇淡。然自王公以至下士。無不呼曰萬先生。而先生與人還往。其自署祇曰布衣萬斯同。未嘗有他稱也。安溪李厚菴最少許可。曰吾生平所見。不過數子。顧寧人。閩音詩。萬季野。斯真足以

備石渠顧問之選者也。先生爲人和平大雅而其中介然故督師之姻人方居要津乞史館于督師少爲寬假先生歷數其罪以告之有運餉官以棄運走道死其孫以賂乞入死事之列先生斥而退之尤喜弊引後進惟恐失之于講會中惓惓三致意焉蓋篤行君子也卒後門人私諡爲貞文所著有歷代史表六十四卷紀元會考四卷宋季忠義錄十六卷南宋六陵遺事二卷庚申君遺事一卷河源考四卷儒林宗派八卷石鼓文考四卷文集八卷而明史藁五百卷讀禮通考一百六十卷別爲書予入京師方靈臯侍郎謂予曰萬先生真古人予所見前輩諄諄教人爲有用之學者

惟萬先生耳○李○有○之○後○有○先○生○此○蓋○自○作○表○志○而○此○詩○慨○也○自先生之卒，戢山證人之緒不可復振，而吾鄉五百餘年攻媿厚齋文獻之傳亦復中絕，是則可爲太息者矣。

望溪集中有表專記其委重之言以明作史之旨，他皆不具。此傳則始末燦然足以補其缺矣。後錢竹汀又合兩篇爲一，似可無庸。

蓬萊王孝子傳

山左學使者羅君竹園示予蓬萊王孝子事跡。士之甚。太之甚。君曰。先生曷以文發之。作王孝子傳。

王恩榮者。字仁菴。山東登州府蓬萊縣人也。爲人原歟而深挺。貌修骨聳。造次不能以文自達。蓬萊縣小吏尹奇。強性險猾。頗以巫醫之術。有寵於官。恩榮父永泰。因寘產與角口。被毆中要害。立死。時恩榮甫九歲。祖母劉氏年高。門戶軟弱。訟之官。不得直。僅給埋葬銀十兩。祖母內傷自縊。恩榮母劉氏健婦也。瘞其姑。藁厝永泰棺於市。僦屋其旁。居之大書曰。豎子殺爾父者誰也。泣血三年。病

甚呼恩榮至榻前授以官所給銀曰汝家以三喪易此海枯石爛
存此志恨不可忘也豎子識之恩榮旣旣罹大事家盡落依舅以
居厲志讀書稍長補諸生誓於父柩前尋仇以斧自隨其舅患之
誘居長山島中禁令勿出因諭之曰豎子之志固當但殺人者死
是國法也爾父之鬼餒矣恩榮流涕聽命恩榮盡取史記伍子胥
白公列傳朗讀讀已痛哭夜靜焚香長跪告天絮語達旦時或困
勸假寐輒連聲歷歷大呼怨家在此年二十八舉子辭於舅曰可
矣遂行踰月忽遇奇強於道揮斧急擊稍遠不中乃投以石仆地
道旁人爭抱持之得免奇強諱不言幾足不出一日偶獨立門首

又爲恩榮所見直前斫中其首帽厚偏引至耳扶傷脫走其家訴
於官時已年遠吏胥案牘概無可證恩榮出母故所弄銀陳之訟
庭殊批爛然旁以血書鈴之縣令歎曰至性人也何不幸而遇此
吾欲尼爾則傷終天之恨吾欲聽爾則違累赦之條周禮調人之
法具在各爲趨避已耳恩榮於是噉然而哭縣令亦哭堂廡內外
觀者盡哭恩榮旣再舉不得奇強亦遠遁棲霞相隔八年適蓬萊
縣人有患病者力延奇強禱治奇強亦以事久稍安入城過一小
巷四顧無人方褻回閒俄而恩榮突出扼之奇強皇窘伏地乞哀
恩榮謂之曰吾父遲爾久矣遽劈其腦腦裂以足連蹴其心而絕

於時見者驚出不意相率前擁恩榮恩榮笈曰豈有白日殺人乃
畏死者遂自繫赴縣會奇強家訟當日永泰故自縊非毆死縣令
欲開棺驗視恩榮請曰小人有子矣寧抵死不忍再暴父骸以
受毀折叩頭出血縣令惻然乃爲博問於介衆皆曰恩榮言是遂
逕詳法司法司議曰古律無復仇之文然查今律有擅殺行凶人
者予杖六十其卽時殺死者不論是未嘗不敎人復仇也恩榮父
死之年尙未成童其後疊殺不遂雖非卽猶卽矣况其視死如飴
激烈之氣有足嘉者相應特予開釋復其諸生卽以原貯埋葬銀
還給尹氏以章其孝且將具題旌禮恩榮之舅聞之見有司曰豎

子求見其父母耳。夫人遭奇禍，以要旌門式閭之榮，又何忍矣。洪司嘆曰：汝亦賢者也。遂止而祀其母於祠。時康熙四十八年也。其時蒞恩榮事者撫軍則申吳蔣陳錫提學則北平黃侍講叔琳與滇南李觀察發甲云。後有贊不載

終身幹此一事，有志竟成，所謂先天而天不違者也。文極力摹寫，無一冗字。

○孫武子論

眉山蘇子謂孫武用兵不能必克。與書所言甚遠。吳起言兵輕法
制。草畧無所統紀。不若武書詞約意盡。然起用於魯。破齊。用於魏。
制秦。入楚。則楚霸。而武之所爲。乃如此。書之不足信。固矣。全子曰。
蘇子之言。可謂獨具論世之識者。然吾尙惜其言之未盡。夫孫子。
亦安知兵。今世人之所共稱。莫如以軍令斬吳王寵姬一事。不知。
此乃七國人所傳聞。而太史公誤信之者。夫吾亦何以知其斬寵。
姬之誣。蓋卽於入郢之師。知之。當吳人之大舉也。楚之來相距者。
爲子常。斯其人如沐猴而冠。而又罷於奔命之餘。以遇常勝之師。

兵未交而膽已落。其可以賀戰勝也。固已盡人知之。若孫子之師
律。則未見其有可恃也。方夫槩王之獨出也。大類晉河曲之趙穿。
使其一擲。則事且未可知。然雖幸而得捷。而師律已紊。寡君之貴
介弟。遂有翹然自喜之心。卒之首償於秦者。亦夫槩而竊歸自立
之禍起焉。夫始則擅發。而武不能禁。繼則竊歸。而武不及知。古所
謂大將之師。其進如風。其止如山者。不如是矣。雞澤之會。不過以
玉帛相會者也。揚干亂於曲梁。則魏絳戮其僕。雖嬰悼公之怒。弗
之卹也。晉是以能繼勦。况當兩軍對壘。而軍法乃爾。吾不知孫子
斬姬之刃。果安在也。且夫掃境以出。不虞於越之乘於盧。貪前進

而忘後患也。決漳水以灌紀南，決赤湖水以灌郢，棄生靈以博一日之勝，是狶突之徒也。唐侯在軍，國已爲秦所滅，何策應之疎也。子期焚其營壘而不能避，可以見營壘之無法也。子蒲子虎在常時，非名將，孫子之遇之也，輒累北焉。然則前此五戰之威，特以子常之故耳。從來成敗之難言也。其敗者未必無嘉謀，而或坐失其機成者未必皆廟算，而或會逢其適。彼左司馬之請首尾夾擊，其兵法也。向使當其前者，或有子期兄弟一人在焉，吳其殆哉。左丘春秋內外傳紀吳事亦頗詳，然絕不一及孫子。卽越絕諸書出於漢世，然亦不甚及孫子。故水心疑吳原未嘗有此人，而其書其事。

皆縱橫家之所僞爲者。可以補七畧之遺。破千古之惑。至若十三篇之言。自應出於知兵者之手。不可按之以責孫子之不售也。辨析分明。先生亦可謂通知兵法矣。

○帝在房州史法論

唐沈既濟駁吳兢史以爲中宗既廢之後當每年書曰帝在房州
范淳夫用其例曰春秋公在乾侯之比也朱徽公謂淳夫受是說
於伊川不知孫之翰已先之矣且不特之翰宋元憲公紀年通譜
又先之矣顧程沙隨曰何不以敬王之例書居而引諸侯之託於
他國者其諸考春秋而未熟者與沙隨與徽公同時乃徽公未得
聞其說王厚齋是之近人何義門尤以爲精密予則以爲既濟固
非沙隨亦未核也敬王與于朝爭位敬王當立不勝而居於翬泉
耳固非有廢敬王而錮之者也非中宗所可比也卽昭公雖爲季

氏所逐然季氏未嘗敢頌言廢之也亦非中宗所可比也蓋敬王
雖出而依然王也昭公雖逐而猶然公也春秋據其實而稱之若
中宗則降黜矣諸公不過因其後來復位而遂帝之是以成敗論
人也亦有不以成敗論者宋元憲公以王莽十八年繫之孺子接
更始近人因祖其說以爲是十八年中每年當書曰帝在定安其
議更奇而不知有必不可者既以王莽之言屬孺子矣及更始立
而又屬之更始是廢孺子者非王莽也乃元憲也立更始者非新
市平林諸將也乃元憲也誤以爲春秋之旨而前取古之帝王而
擇其廢立之權是大亂之道也此義不明故於夷羿篡夏少康始

生而卽以少康繫年。謂削去羿羿之足快人意也。康節皇極而不知史以紀實非其實者非史也。今夫亂臣賊子乘時竊據天地之無如何也。春秋之旨能誅之不能削之。惟据其實則可誅之。若削之則是天地之所不能而書生能之。無是理也。曰然則當如何書。曰吾惟從其實而書之耳。中宗之廢也則書曰皇太后廢皇帝。爲廬陵王於則天之稱制也則書曰皇太后自稱皇帝。是後每年則書曰廬陵王居房州。隱以寓翟泉乾侯之義而不泯其降封之實。然後可以謂之信史。且中宗之爲人吾亦恨其不早死於房陵耳。卽位一月垂頭束手爲其母后所廢是固唐之罪人矣。廢錮房陵。

私與其妻盟誓許以復辟之後。惟其所爲。是真罪人之尤矣。五王之功。誅鋤殆盡。以至尸居帝立。死於鴆毒。是尤罪人之擢髮莫數者矣。特以其見廢之時。嗣統未久。大臣亦莫知其愚謬至此。故倦倦爲之。若果知之。則狄仁傑。王方慶。朱敬則。以及五王之徒。亦必不擁護之。其必相與竟立睿宗。以安唐社。睿宗雖中才。然非中宗比也。豈特此哉。中宗之所爲如此。卽非武后終當喪其天下。大臣有如霍光之徒。早當廢之。相與竟立睿宗。以安唐社。然則諸家於旣廢之後。未復之前。從而帝之。以自附於春秋之旨。甚矣其昧也。

義門有曰。嗣聖統元僅一月。今自甲申以至甲辰。凡二十年。皆冠以嗣聖。是采孫氏西齋之僻。而以無爲有者。聖人修春秋。必不然。

此言是也。然則由此推之。其曰帝在房州固非。卽曰帝居房州亦非。蓋皆非其實也。義門偶未之思耳。

前段辨中宗非敬王昭公之比。極其明確。中間并帶出孺子少康兩案而判定之。以其皆非據實而直書也。後段則未免以臆敗論人。然亦大快人意。

○。○。澗上徐先生祠堂記

俟齋先生丁國難乙酉避地汾湖已而遷蘆區丁亥戊子在金壘
癸巳以後來往靈巖支硎間己亥居積翠及定卜澗上遂老焉先
生故不入城及老於澗上并不入市長年禁足唯達官貴人訪之
則避去莫知所之既卒門人卽以草堂爲祠澗上居天平之麓其
地平遠清勝靈巖一帶俱在望中吾友陸茶塢之水木明瑟園僅
隔一水予過明瑟未嘗不肅拜先生之祠茶塢因屬余爲記先生
風節之高具見於諸家志傳不待余之文而著而予得一言以蔽
之者以爲昔人處此雖陶公尚應拜先生之下風非過也今吳下

好事賢者。方議哀資新此。并買祭田。以綿春蘭秋菊之澤。其意甚善。而余竊欲增置粟主。合食於先生者得三人焉。其一曰南嶽大師。儲公。其一曰山陰戴先生南枝。其一曰嘉善吳先生稽田。蓋先生之得安於澗上也。皆儲之力。其身後。則皆南枝之力也。是時以開府湯文正公之賢。欲致一絲一粟於先生。且不可得。而儲公獨能飲之食之。以漫堂宋公之風雅。致賻襚於先生。其子以先生遺命不受。而南枝獨能殯之葬之。則二公之爲先生素心也。亦已篤矣。儲公之賢。先生集中言之不一而足。而南枝未有及焉。吾故欲引而齊之。使並食於一堂。亦舊史之例也。乃若稽田。其生平踪跡。

稽田。另請。

頗與先生相反。而實爲同德。蓋二公故郎舅也。稽田抱劉琨祖述之志。而又欲雪王裒之恥。故終身冥行。不返家園。而先生終身不出戶庭。其道交相成也。是以先生之初避地於汾湖。于蘆區以依稽田。及於金墅。則稽田依先生。因共往來。靈巖支硎間已。而又同居於積翠。及定居澗上。稽田每自北來。但過先生。而不入其家。先生集中呼遠公者。皆稽田也。稽田一生逐日奔走中原。不得稍洩其志。死葬膠東。以明其蹈海之憤。以自不願首邱之恨。是非大招廣招之所能致也。而吾以爲先生之祠。依然首陽一片淨土。可以歸其魂。使起先生而告之。必以爲然。且由是而知先生之高蹈。非

石隱者流也。茶塢曰：善哉！子之言也。吾當偕同志諸君舉而行之。

文有體要雅淡處頓出精神

梨洲先生思舊錄序

余嘗謂文章之事不特藉山川之助亦賴一時人物以玉成之蔡
侍郎梁村因數古人享此遇者莫如歐陽充公蓋其富有宋極盛
之時揚歷真仁英神四朝一時名流皆極九等人表之最而充公
盡收之於文字間是不特昌黎柳州所無卽東坡南豐亦稍遜之
梨洲先生產於百六之際其生平磨竭之宮野葛之餉有爲時人
所不堪者而百年中閱歷人物視充公有過之而無不及斯又一
奇也先生以忠端公爲之父以蕺山先生爲之師當髫髻時所追
隨稱父執者莫非膺滂蕃武之徒稍長遊證人書院私淑者洛閩

之門庭見知者楊袁之宗派或告以中原文獻之傳或語以累朝
經制之略耳擣目染總不入第二流品目會廟堂與紹述之論祭
酒諸生俱掛黨人之籍父不肯帝子不肯王以禁錮之碑爲通家
之譜苟有范溫陸棠之徒際家世而喪師傅者望塵自遜不敢復
前蓋先生之學問氣節得於天者固有不同要其淵源之自則相
半焉至於三辰易運從亡不遂如鄧光薦從戎不遂如王炎午蠅
灘鰲背呼文陸謁張陳相與吞聲而泣血又一時也風波旣定家
居奉母則嘗以講經自給束維以論文爲生霽光歸然長謝鶴書
河汾弟子多出而爲巖廊之器而先生亦已老矣先生碑版傳狀

文字最多。其思舊錄則其追懷朋好。雜錄見聞。腸斷於甘陵之部。神傷於漳水之湄。纏綿惻愴。託之卮言小品。以傳者也。以先生之譏述言之。學案文案如山如河。是錄其渺焉者。然先生百年閱歷。取精多而用物宏。於此約略見之。在他人則分先生之一節。皆足以豪苑公。當其盛。故哆兮者如春。先生當其衰。故噫兮者如秋。世有讀先生之書者。方信予言之非夸也。

此文可作梨洲先生文集總序。而先生則生當隆盛之時。而樂道明季。國初之遺老。宛公梨洲之人物。兼而有之。此先生之集。所以非穆堂望溪之可比也。